



Teitl y Swydd:	Swyddog Plant a Phobl Ifanc Sir y Fflint (Ar y cyd â Chyngor Sir y Fflint)
Math o contract:	Swydd llawn amser, cytundeb penodol neu secondiad mewnol hyd at Fawrth 31, 2020 yn y lle cyntaf
Graddfa:	Graddfa 5: £19,928 (Pwynt 1) - £23,102 (Pwynt 6)
Lleoliad:	Swyddfa'r Urdd, Pentre' Cythraul.

Amdanom ni

Mae'r Urdd yn fudiad sy'n parhau i dyfu ac arloesi, ac yn un o'r cyflogwyr mwyaf sy'n gweithredu trwy'r Gymraeg. Fe sefydlwyd yn 1922, ac erbyn heddiw cyflogir dros 300 o staff, bron 55,000 o aelodau, 10,000 o wirfoddolwyr a throsiant o £10m. Byddwn yn dathlu ein pen-blwydd yn 100 yn 2022 gan weithio gydag ein haelodau a'n gwirfoddolwyr ynghyd ac amryw o bartneriaid sy'n cynnwys Llywodraeth Cymru, S4C, BBC, Undeb Rygbi Cymru, Cymdeithas Pêl-droed Cymru, Canolfan Mileniwm Cymru, Chwaraeon Cymru, Ysgolion a Cholegau Cymru.

Y Swydd

Prif bwrpas y swydd yw cyd-gordio a sicrhau cyfleoedd i blant a phobl ifanc Sir y Fflint i ddefnyddio eu Cymraeg mewn sefyllfaoedd anffurfiol o fewn ac allan i'r Ysgol drwy gydweithio a'r Awdurdod Addysg, y Gwasanaeth Ieuenctid a'r ysgolion.

Cytundeb hyd at Fawrth 2020 yn y lle cyntaf. Mae'r swydd wedyn yn hollol ddibynnol ar gadarnhad parhad grant gan Gyngor Sir y Fflint.

Am fwy o fanylion cysylltwch â Siân Rogers (Cyfarwyddwr Ieuenctid a Chymuned y Gogledd) ar 07976 003320 neu sianrogers@urdd.org

Anfonwch Ffurflen Gais yr Urdd ar e-bost at swyddi@urdd.org

Dyddiad cau: 10:00awr, 15.11.19

Cyfweliadau: 18.11.19

DISGRIFIAD SWYDD

Teitl y swydd:	Swyddog Plant a Phobl Ifanc Sir y Fflint	Lleoliad:	Swyddfa'r Urdd Pentre Cythraul
Adran:	Maes	Yn gyfrifol am:	na
Yn atebol i :	Swyddog Datblygu Fflint-Maelor a thrwyddo ef i Gyfarwyddwr Talaith y Gogledd.	Gradd:	Graddfa 5: £19,928 (pwynt 1) - £23,102 (pwynt 6) y flwyddyn

Prif bwrpas y swydd:

Cyd-gordio a Sicrhau Cyfleoedd i blant a phobl ifanc Sir y Fflint i ddefnyddio eu Cymraeg mewn sefyllfaoedd anffurfiol o fewn ac allan i'r Ysgol drwy gydweithio a'r Awdurdod Addysg, y Gwasanaeth Ieuenctid a'r ysgolion.

Prif ddyletswyddau a chyfrifoldebau:

Mae'r targedau a'r dyletswyddau isod yn cynrychioli ac yn seiliedig ar ddyheadau Urdd Gobaith Cymru ac ysgolion Sir y Fflint drwy'r Awdurdod Addysg ar gynyddu defnydd o'r Gymraeg a'r cyfleoedd a geir i ddefnyddio'r Gymraeg.

- Prif nod y swydd yw cynyddu cyfleoedd Cyfrwng Cymraeg ar y cyd ag holl ystod ysgolion cyfrwng Cymraeg, Saesneg a dwy ffrwd Gynradd ac Uwchradd Sir y Fflint drwy gydweithio a phartneriaid allweddol megis yr Awdurdod Lleol e.e. Tîm Ymgynghorol y Gymraeg, y Gwasanaeth Ieuenctid ac ysgolion y Sir.
- Hyrwyddo'r Gymraeg mewn ysgolion drwy weithgarwch amrywiol gan eu cefnogi i gyrraedd targedau a mentrau hybu defnydd anffurfiol o'r Gymraeg trwy gynlluniau megis Siarter Iaith, Cymraeg Campus a PCAI a chynlluniau fydd yn ymateb i'r Fframwaith cenedlaethol arfaethedig Llywodraeth Cymru ar gyfer defnydd anffurfiol o'r Gymraeg.
- Gwellu a dwysau'r berthynas gydag ysgolion lleol gan dynnu eu sylw a chynyddu ymwybyddiaeth o'r gwasanaethau a gynigir ac o ganlyniad yn codi proffil gweithgareddau a chyfleoedd cyfrwng Cymraeg. Trefnu Clybiau amser cinio o fewn i ysgolion er mwyn gwella sgiliau iaith.

Cynyddu cyswllt gyda phobl ifanc 11 - 25 oed gan gynnig gweithdai a digwyddiadau newydd gyda'r bwriad i gynyddu'r defnydd cymdeithasol o'r iaith Gymraeg. Cynnal Sesiynau Ymwybyddiaeth iaith a sesiynau Hybu'r iaith o fewn Ysgolion Ail-iaith.

•

- Cydweithio efo'r ysgolion a Thîm Ymgynghorol y Gymraeg er mwyn sicrhau cysondeb defnydd patrymau iaith gan ddisgyblion mewn gweithgareddau a drefnwyd.
- Cynnig sesiynau ymwybyddiaeth iaith trwy weithgarwch hwyliog o fewn i ysgolion.
- Cynnig Clybiau o fewn ysgolion
- Cynyddu'r nifer o glybiau ieuenctid Cymraeg yn ardal Sir Fflint gan adnabod ardaloedd ac arweinwyr priodol.
- Gwneud y Gymraeg yn apelgar i Blant a phobl ifanc trwy weithgarwch hwyliog.
- Hyrwyddo manteision dwyieithrwydd o fewn y gweithle gyda phobl ifanc.
- Edrych ar a chefnogi'r cyfnod pontio iaith rhwng Cynradd ac Uwchradd yr ystod o ysgolion.
- Hybu a chodi ymwybyddiaeth y gweithgareddau gyda chymuned yr ysgol e.e. rhieni.
- Creu cyfleoedd newydd i blant a phobl ifanc gan adnabod ac ysgogi gwirfoddolwyr / arweinwyr i fod yn rhan o'r datblygiadau er mwyn cynnal y prosiect i'r dyfodol.
- Cefnogi Fforwm Ieuenctid Sirol yr Urdd yn ogystal â Fforwm Fflint Ifanc y Cyngor.
- Cydweithio a'r Swyddog Datblygu Lleol i sicrhau gweithgarwch craidd y Rhanbarth.
- Sicrhau fod cofnod o'r gwaith gan gynnwys data ar niferoedd a gweithgareddau yn cael ei gadw ar raglen ystadegol yr Urdd.
- Cynnig gwaith ieuenctid cyfrwng Cymraeg gyda phobl ifanc blynyddoedd 6, 7 ac 8 er budd dylanwadu ar eu dewis o iaith gymdeithasol . E.e. trefnu gweithgareddau newydd o fewn amser a thu allan i oriau ysgol, annog mynychu gweithgareddau'r Urdd gan gynnwys yr adrannau cynradd a chlybiau ieuenctid y sir.

Manyldeb y person a'r meini prawf: Cymwysterau, sgiliau a phrofiad

- Rhaid bod yn drefnus a meddu ar sgiliau cyfathrebu ac ysgrifennu da yn y Gymraeg a'r Saesneg.
- Rhaid meddu ar gymeriad addas i ddelio gydag ystod eang iawn o bobl.
- Rhaid bod yn hyderus i greu cyfleoedd newydd i blant a phobl ifanc gan adnabod ac ysgogi gwirfoddolwyr / arweinwyr i fod yn rhan o'r datblygiadau.
- Byddai unrhyw brofiad a chymhwyster mewn gwaith ieuenctid o fantais (cynigir cwrs penodol OCN lefel 2 yn rhan o'r swydd onid yw'r ymgeisydd llwyddiannus eisoes yn meddu'r cymhwyster).
- Y gallu i adnabod bylchau mewn darpariaeth a gweithio mewn partneriaeth gyda chyrrff/ mudiadau sydd yn addas i dargedau'r swydd.
- Rhaid bod ag ymwybyddiaeth o ddelfrydau ac amcanion Urdd Gobaith Cymru a gweledigaeth parthed lledaenu'r iaith Gymraeg i blant a phobl ifanc Cymru.
- Byddai profiad o weithio yn uniongyrchol gyda phlant a phobl ifanc - boed yn gyflogedig neu'n wirfoddol, o fantais.
- Byddai profiad o lunio a darparu asesiadau risg yn fanteisiol ag ymwybyddiaeth o brosesau lechyd a Diogelwch ond darperir hyfforddiant.

Hanfodol

- Rhaid bod yn drefnus a meddu ar sgiliau cyfathrebu ac ysgrifennu da.

- Rhaid meddu ar gymeriad addas i ddelio gydag ystod eang iawn o bobl.
- Rhaid bod yn hyderus i greu cyfleoedd newydd i blant a phobl ifanc gan adnabod ac ysgogi gwirfoddolwyr/arweinwyr i fod yn rhan o'r datblygiadau.
- Rhaid bod ag ymwybyddiaeth o ddelfrydau ac amcanion Urdd Gobaith Cymru a gweledigaeth parthed lledaenu'r Iaith Gymraeg i blant a phobl ifanc Cymru.

Dymunol

- Gallu gweithio ar liwt eu hunain a hefyd cydweithio fel aelod o dîm.
 - Profiad o weithio yn uniongyrchol gyda phlant a phobl ifanc - boed yn gyflogedig neu yn wirfoddol.
 - Cymhwyster Gwaith Ieuencid Lefel 2/3 – bydd yn cael ei gynnig fel rhan o'r swydd
 - Hyfforddiant lechyd a Diogelwch a Chymorth cyntaf – bydd yn cael ei gynnig fel rhan o'r swydd.
- Mynychu cwrs Asesu Risg (Off-Site Safety) – bydd yn cael ei gynnig fel rhan o'r swydd

Nodiadau i ymgeiswyr:

- *I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.*

Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.

Newidiadau i'r Disgrifiad Swydd:

Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd:

Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd ei dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad:

Cyhoeddwyd y disgrifiad swydd yma yn Hydref 2019 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.

CRYNODEB O'R TELERAU AC AMODAU (ceir manylion llawn yn y Llawlyfr Staff)

Teitl y swydd:	Swyddog Plant a Phobl Ifanc Wrecsam
Yn atebol i:	Swyddog Datblygu Fflint a Wrecsam a thrwyddo ef i Gyfarwyddwr y Dalaith.
Cyflog:	Ar raddfa 5 Strwythur Cyflog yr Urdd £19,928 (pwynt 1) – £23,102 (pwynt 6) . Penodir ar Bwynt 1, oni bai fod profiad/cymhwyster arbennig yn denu un pwynt ychwanegol
Cytundeb:	Tymor penodol o Ionawr 2020 hyd at ddiwedd Mawrth 2020 (yn y lle cyntaf)
Oriau gwaith:	Wythnos waith sylfaenol yw 35 awr yr wythnos, i gynnwys oriau anghymdeithasol nos a phenwythnosau. Gweithredir cynllun oriau hyblyg.
Lleoliad:	Canolfan Camu, Coleg Cambria, Wrecsam.
Gwyliau blynyddol:	Caniateir 25 niwrnod o wyliau blynyddol (pro rata) ac wyth niwrnod o wyliau cyhoeddus (pro rata) - y cyfnodau i'w pennu mewn ymgynghoriad â'r Cyfarwyddwr Cyfathrebu. Bydd y gwyliau'n cynyddu i 28 diwrnod (pro rata) ar ôl 5 mlynedd o wasanaeth ac yna i 33 diwrnod (pro rata) ar ôl 10 mlynedd o wasanaeth.
Cyfnod prawf:	Bydd cyfnod prawf o 3 mis.
Pensiwn:	Bydd cyfle i ymuno â phensiwn mewnol yr Urdd ar unwaith, neu mae'n bosibl byddwch yn cael eich cofrestru i gynllun 'Ymgofrestru Awtomatig'.
Archwiliad meddygol:	Cedwir yr hawl i ofyn i'r sawl a benodir mynd o dan archwiliad meddygol cyn cynnig y swydd yn ffurfiol.